

Uviéu tien un plan



SOMOS
Oviedo/Uviéu

Índice

Igualdá: un Uviéu de los derechos, la solidaridá y los cuidaos	3
BIENESTAR Y COHESIÓN SOCIAL	4
MOCEDÁ	6
ATENCIÓN A LA DIVERSIDÁ FUNCIONAL.....	7
IGUALDÁ DE XÉNERU Y DERECHOS LGTBQ	8
PERSONES MAYORES	9
Cultura, deporte y festexos: un Uviéu vivu y en movimientu	10
COOPERACIÓN Y SOLIDARIDÁ INTERNACIONAL.....	11
BIBLIOTEQUES.....	12
NUEVES TECNOLOXÍES: UN UVIÉU DE CÓDIGU ABIERTU, DIXITALIZÁU Y EN REDE.....	13
CULTURA Y FESTEXOS	14
DEPORTE	16
LLINGUA ASTURIANA	17
Distritos urbanos	18
DISTRITU URBANU 1. CENTRU Y CASCU HISTÓRICU.....	19
DISTRITU URBANU 2. CIUDÁ NARANCO, EL VALLOBÍN, LA FLORIDA, LES CAMPES, SAN CLOYO URBANU.....	20
DISTRITU URBANU 3. EL PUMARÍN, TEATINOS, LA MONXINA, GUILLÉN-LA FUERZA, LA CORREDORIA	21
DISTRITU URBANU 4. SAN LÁZARO/SAN LLÁZARU, OTERO, TENDERINA, FozANELDI, VENTANIELLES, CUALLOTO URBANU.....	22
DISTRITU URBANU 5. L'ARGAÑOSA, LA ERÍA, BUENAVISTA, EL CRISTO, EL MONTE CERRÁU, OLIVARES	23
Distritos rurales	24
CONSIDERANCES XENERALES SOBRO LA ZONA RURAL D'UVIÉU	25
DISTRITU RURAL 1. CACES, GODOS, LATORES/LLATORES, SAN PEDRU NORA, SANTA MARIÑA DE PIEDRAMUELLE, PINTORIA, PRIORIO, PUERTO, SAN CLOYO RURAL, SOGRANDIO, TRUBIA, UDRIÓN	26
DISTRITU RURAL 2. CUALLOTO RURAL, NARANCO RURAL, TUDELA AGÜERIA, BENDONES, VEGUÍN, SAN ESTEBAN/SAN ISTEBA, SAMIGUEL, LLIMANES, LA MANXOYA, SANTOLAYA, NAVES, OLLONIEGO/LLUNIEGU, PANDO, LA PEREDA, SANTIANES, VILLAPERI	27

Igualdá: un Uviéu de los derechos, la solidaridá y los cuidaos

BIENESTAR Y COHESIÓN SOCIAL

1. Reforciar la rede de servicios sociales al traviés de la dotación de los recursos humanos y materiales abundos para garantizar les necesidaes de la ciudadanía. Axuste col Gobiernu del Principáu d' Asturias pa la cesión por VIPASA de, siquier, el 50 % de les viviendes sociales propiedá del Principáu nel nuesu Conceyu coles mires de xestionar direutamente les diches viviendes según los nuestos criterios y necesidaes. A cambéu'l Conceyu comprométese a asumir los costos de caltenimientu y arreglu de les viviendes cedíes.
2. Aumentar los recursos financieros necesarios pa caltener y ampliar les cuantíes de los programes d'ayudes económicques pa situaciones d'emergencia anguaño esistentes (menores en riesgu de probeza, ayudes al arriendu, probeza enerxética etc) coles mires d'ameyorar les cobertories y garantizar que nenguna persona o familia que cumpla pa colos requisitos quede ensin percibibles.
3. Collaborar col gobiernu autonómicu na elaboración d'un plan integral de sofitu a la dependencia y velar pol accesu efectivu a les prestaciones d'ayuda nesta materia. Introducir midides de sofitu a les persones cuidadores, ampliando'l númberu y les posibilidades d'usu de los centros de día y creando centros de sofitu pa les y los cuidadores.
4. Poner a lo primero l'atención a persones en riesgu d'esclusión social con midides que desenvuelvan y refuercien polítiques de formación, de prevención y d'acompañamientu, y que desanicien práutiques asistencialistes y estigmatizadores.
5. Poner en marcha midides específiques pa la proteición de persones ensin permisu de residencia y trabayu, afectaes por detenciones policiales.
6. Creación d'una oficina específica pa coordinar recursos a persones ensin llar.
7. Aumentamientu de la dotación económica y de personal a los servicios sociales pa que puedan faer frente a toles necesidaes de minoríes étniques y families claramente desfavorecíes, dando especial atención a les families monomarentales y monoparentales.
8. Echar a andar la figura d'educadores de cai pa trabayar con moces en riesgu d'esclusión social, persones ensin llar, etc...
9. Introducción d'una Renta Municipal al traviés de bonos para mercar productos y servicios nel comerciu llocal.
11. Creación d'un dentista municipal.
12. Sofitu a la plena integración de la comunidá xitana, a la conocencia de la so llingua y hestoria, entamando xornaes y fiestes que fáigan ver la so aportación a la diversidá cultural de la nuesa ciudá.

13. Celebrazón de la plurinacionalidad y multiculturalidad de la sociedá uvieina al traviés de la colaboración del Conceyu coles distintes comunidaes nacionales asitiaes nel nuesu conceyu. Celebrazón de la fiesta del 12 d'ochobre en clave d'aunamientu y amistá pa colos uvieinos d'orixe llatinoamericanu asitiaos nel nuesu conceyu.

MOCEDÁ

1. Reforzamientu de los planes d'emplegu específicamente dirixíos a les persones xóvenes, fomentando asina'l so insertamientu llaboral y la so permanencia nel conceyu.
2. Política d'arriendu-xoven pa fomentar la emancipación xuvenil a precios algamadizos dentro del futuru parque públicu de vivienda n'arriendu. Ayudes al arriendu pa menores de 30 años.
3. Creación d'una casa de la mocedá para allugar el Conceyu de la Mocedá de Uviéu, y que sirva como espaciu social y cultural pal asociacionismu xuvenil.
4. Aumentu del presupuestu pal CMU y pal asociacionismu xuvenil. Participación del movimientu xuvenil nes fiestes de San Mateo al traviés de los chiringos. Creación d'una fiesta de la mocedá uvieina entamada pol texíu asociativu col sofitu del Conceyu.
5. Ampliamientu de los horarios de los centros d'estudiu.
6. Aumentu de la ufierta cultural y d'ociu dirixida específicamente a la mocedá.
7. Solución non represiva a los problemes de convivencia xeneraos pol "botellón".
8. Creación d'una web nueva del Conceyu, con información d'actividaes, beques, emplegu...

ATENCIÓN A LA DIVERSIDAD FUNCIONAL

1. Meyora de l'accesibilidad y desaniciu de barreres arquitectóniques nos barrios y pueblos d'Uviéu.
2. Accesibilidad en tolos edificios municipales.
3. Atención a la diversidá nes actividaes social y cultural entamaes pol Conceyu pa garantizar la plena participación d'esti coleutivu na vida pública uvieina.
4. Creación de la figura del asistente personal municipal, asemeyada al modelu de Barcelona, pal acompañamientu y sofitu d'aquelles persones que precisen d'esta asistencia y curiaos de forma permanente y diaria.
5. Promoción del deporte adautáu a les persones con diversidá funcional.
6. Sofitu al asociacionismu y a les actividaes afalaees por persones con diversidá funcional

IGUALDÁ DE XÉNERU Y DERECHOS LGTBQ

1. Ciudá cuidadora. Los servicios d'almuerzos escolares, la rede d'escueles infantiles, l'abrimientu de colexos en periodos vacacionales o la meyora de l'asistencia en casa formen parte de la nuesa xestión pensada pal fomentu de la conciliación de les families. Coles mesmes, vamos crear un nuevu serviciu d'acompañamientu a les madres que dean a lluz.
2. Visibilización de les muyeres y de les reivindicaciones feministes nos actos del Conceyu, na programación cultural y de festexos, asina como nos actos de reconocencia institucionales. Tamos, coles mesmes, por una publicidá institucional comprometida cola igualdá y desanicu de los estereotipos machistes.
3. Desenvolvimientu del Plan d'Igualdá y apuesta por una mirada feminista tresversal a toles árees del gobiernu.
4. Sofitar y faer visibles modelos de rellación igualitarios ente dambos xéneros, sensibilizando a la población masculino sobro la corresponsabilidá nes xeres doméstiques y cuiraos, incluyendo como responsables de la corresponsabilidá tamién a les empreses y al conceyu; visibilizando y valorando el papel social que cumplen les muyeres.
5. Cellebración institucional de los díes internacionales del movimientu LGTBQ, asina como d'aiciones de sensibilización dende'l Conceyu a nivel social y educativu a la escontra de la discriminación de les persones pola so orientación ya identidá sexual. Sofitu a la llucha a la escontra de la homofobia y la transfobia nos colexos y fomentu d'una educación respetuosa pa cola diversidá afeutivo-sexual.

PERSONES MAYORES

1. Programa de comida en casa pa persones mayores y persones en situación de dependencia. Serviciu de comida, kilómetru cero, en casa que va sofitase nos principios de dieta sano y adautada a les necesidaes específiques de cada persona y na promoción de la vida autónoma ya independiente, favoreciendo que puedan permanecer na vivienda habitual.
2. Allugamientu afayadizu de los centros residenciales y viviendes tutelaes pa persones mayores. L'oxetivu ye que les persones mayores qu'apueren al recursu d'agospiamientu residencial nun sían movíes a les periferies de les ciudaes, sinón que puedan vivir nun allugamientu afayadizu y con garantía plena de comunicación en tresporte públicu.
3. Convenios con centros deportivos municipales pal esfrute de les persones mayores. El conceyu va realizar convenios con centros deportivos municipales pa desenvolver programes d'actividá física y deporte el marcu del avieyamientu activu y la promoción de la salú.
4. Sofitu a les iniciatives de servicios "en comunidá" senior. Uviéu va promover, va sofitar y va faer que sía posible l'establecimientu de proyeutos "en comunidá" pa persones mayores, llevaos p'alantre por iniciatives ensin ánimu d'arriquecimientu.
5. Dotación de recursos y presupuestu estable a la ESTRATEXA ASTURIANA D'AVIEYAMIENTU ACTIVU, según a tolos programes y planes rellacionaos. Instalación de más aparatos de xerontoximnasia nos parques d'Uviéu.
6. Continuación ya impulsu a la Escuela Municipal de Salú pa seguir promoviendo al traviés de los centros sociales vezos de vida sano.
7. Suelu dotacional pa construyir otru tipu d'instalaciones pa les persones, tengan la edá que tengan, tamién pa les persones mayores. Ente estes nueves realidaes señalamos el sofitu a les viviendes "en comunidá" o viviendes collaboratives, nuna nueva forma de vida que n'España ta entrando con muncha fuercia. Trátase d'instalaciones onde compaxinar la vida particular d'una persona con una vida comuñal, y sofitada nuna serie de valores que cada comunidá decide y comparte.
9. Línea de creitu p'adautación de les viviendes, desanicando barreres arquitectóniques y aproviendo de sofitos téunicos qu'ayuden a llevar una vida más afayadiza.
10. Sofitu al asociacionismu de les persones mayores con ayudes públiques y espacios de xuntaza.
11. Establecimientu d'iniciatives culturales, onde cuntemos coles enseñances de nuestos mayores, yá sía, contadores d'hestories, guíes de los nuestos conceyos, instructores d'oficios, nel aprendizaxe de los saberes del campu y recoyida de too un aprendizaxe oral imprescindible pa la vida.

Cultura, deporte y festexos: un Uviéu vivu y en movimientu

COOPERACIÓN Y SOLIDARIDÁ INTERNACIONAL

1. Amontar progresivamente los recursos que tienen por destín la Cooperación al Desenvolvimientu del Conceyu d'Uviéu, hasta algamar el 0,7% del presupuestu enantes del fin de llexislatura.
2. Impulsar aiciones d'Educación pal Desenvolvimientu y sensibilización social pa llograr una ciudadanía crítica con compromisu solidariu, fomentando la participación real y efeutiva de la sociedad.
3. Collaborar estrechamente colos distintos axentes de Cooperación pal Desenvolvimientu presentes n'Uviéu, asina como al so fortalecimientu institucional al traviés d'iniciatives en mancomún y aiciones específiques.
4. Abrir el Conceyu Municipal pa la Cooperación al Desenvolvimientu d'Uviéu a toos aquellos axentes sociales qu'asina lo deseyen, col envís de llograr una mayor participación de los y les ciudadanes uvieines nos asuntos municipales relativos a la solidaridá y cooperación internacional.
5. Desenvolver un Plan Pluriañal, sobro los criterios, prioridaes y compromisos de financiamientu que tengan de rexir l'ayuda municipal al desenvolvimientu.
6. Collaborar con otres instancies llocales, autonómiques o estatales que tean polos mesmos oxetivos, col fin d'aunir esfuercios, coordinar axendes y/o realizar actuaciones conxuntes p'ameyorar les actuaciones en materia de Cooperación pal Desenvolvimientu.
7. Promover dende la institución la denuncia de guerres, golpes d'Estáu, xenocidios y cualquier violación de los derechos humanos. Nesti sen facemos un apueste por reforciar la solidaridá de la nuesa ciudá col Sáhara y Colombia, collaborando con dos entidaes asturianas cola trayectoria de l'Asociación Asturiana d'Amigos y Amigues del Sahara, y el coleutivu de refuxaos n'Asturies, Luciano Romero.
8. Promover nuevos aunamientos de la nuesa ciudá en clave de solidaridá internacional.
9. Celebración dende'l Conceyu de feches señalaes como'l Día Internacional de los DDHH, el Día de Solidaridá con Palestina o'l Día Mundial contra'l Racismu.

BIBLIOTEQUES

1. Reforciamientu y diversificación de les actividaes nes biblioteques municipales. Convertir la rede de biblioteques municipales en pequeños contenedores culturales de lliteratura, artes plástiques, teatru, danza o música. Con base nes biblioteques defendemos l'espardimientu d'espectáculos de formatu pequeño por tolos barrios d'Uviéu según actividaes qu'enanchen los actuales clubes de llectura y que conviertan a los vecinos y vecines de los nuestos barrios en creadores, en participantes direutos del fechu cultural.
2. Bibliofurgoneta qu'aporte a tola zona rural del conceyu y que tamién sía xerme d'espardimientu artísticu a imaxe y asemeyanza de les sos "hermanes" de los barrios.
3. Tresformamientu de La Granxa nel primer centru bibliotecariu interxeneracional d'Asturies y na biblioteca de referencia de la lliteratura infantil y xuvenil. Vamos dotar de fondos bibliográficos anovaos a la biblioteca de La Granxa, lo mesmo que de un nuevu diseñu y moblame: vamos entrar a buscar los llibros por un tobogán, les estanteres van ser llaberintos pequeños y van tener formes y colores nunca vistos.
4. Creación d'una mascota de la seición xuvenil de les biblioteques d'Uviéu: "Montesín" n'homenaxe a la escritora asturiana María Xosefa Cadellada.

NUEVAS TECNOLOGÍAS: UN UVIÉU DE CÓDIGU ABIERTU, DIXITALIZÁU Y EN REDE

1. Apueste pol y promoción del software llibre (SL) poles sos cualidaes: llibertá d'usar el programa, con cualquier propósiu (Usu). Llibertá d'estudiar cómo funciona'l programa y modificar, adautándolu a les mesmes necesidaes (Estudiu). La llibertá de distribuyir copies del programa, ayudando asina a otros usuarios (Distribución). La llibertá d'ameyorar el programa y faer públiques eses meyores a los demás, con cuenta de beneficiar a tola comunidá (Meyora).
2. Internet rural. Garantizar una conexón calidable a tolos llares del conceyu, incluyendo los núcleos rurales.
3. Modernización y dixitalización de l'alministración municipal pa facilitar a los ciudadanos y ciudadanes les sos relaciones col Conceyu.
4. Poner en funcionamientu la tarxeta ciudadana.
5. Sofitu a la creación y atracción d'empreses dedicaes a les nueves tecnoloxíes, la robótica y l'intel·lixencia artificial nel conceyu d'Uviéu.

CULTURA Y FESTEXOS

1. Apertura d'una sala municipal d'esposiciones con una programación estable y calidable na antigua Fábrica de Gas.
2. Puesta en funcionamientu d'un conceyu de participación cultural qu'asesore a la Fundación Municipal de Cultura, y onde se sienten representantes sociales y políticos de la ciudadanía y del mundu de la cultura.
3. Reclamar a Liberbank-Cajastur la so responsabilidá cola ciudá en forma de devolución a la comunidad al traviés de la recuperación de la Obra Social y Cultural de la entidá.
4. Apueste pola cultura fecha n'Uviéu. Creación d'una nueva llínea de subvenciones pal fomentu de la producción cultural llocal y la creación d'eventos culturales dende'l texíu asociativu. Programa de beques y residencies pa la producción artística tantu de ceadores llocales como d'artistes que vengan a Uviéu a desenvolver les sos creaciones. Creación de talleres p'artistes llocales.
5. Anovamientu de les fiestes de San Mateo, l'Ascensión y el Antroxu uvieín, faciendo d'estes unes fiestes más participatives, más sostenibles, con mayor protagonismu de la sociedá civil y una programación más diversa, na que s'incluyan tamién a les comunidaes migrantes, y tengan mayor pesu la infancia y les families. Creación del Día del Prerrománicu con xornada de puertes abiertes, visites guíaes.
6. Creación d'un nuevu festival d'artes escéniques de seronda-iviernu, ya impulsu al Festival d'Artes Escéniques na cai y a la programación de branu, con más actividaes.
7. Recuperación del Festival de Jazz d'Uviéu, creación d'un festival de música y cerveza artesano y de un nuevu festival de folk y músiques del mundu.
8. Ameyorar la dotación económica del Arqueolóxicu y Belles Artes y fomentar les sinerxies ente'l Principáu d'Asturies, el Conceyu y estes instituciones. Apostar poles actividaes d'estos centros que los conviertan en llugares vivos y dinámicos con esposiciones de mayor envergadura y con mayor frecuencia. Apertura d'un procesu de dialogu al envís de recuperar pa la ciudadanía la coleición d'arte asturianu arrexuntada pol estudiosu Joaquín Manzanares nel Tabularium Artis Asturiensis.
9. Creación d'una páxina web que recueya tola actividá cultural d'Uviéu, tanto pública como particular.
10. Sofitu a Parees, SACU, RADAR, les temporaes d'Ópera y de Zarzuela, les xornaes de pianu, la Comet-com y al Otero Brutal Fest pa reforcia el so calter central na axenda d'eventos uvieín.
11. Adecuación del Teatru de El Pumarín pa convertilu nun teatru de la infancia, y de conciertos y espectáculos de pequenu formatu.

12. Popularización de la música clásica con más conciertos d'Uviéu Filarmonía en barrios, al aire llibre, acompañando proyecciones de cine, nes fiestes y polo xeneral dirixíos a nuevos públicos.
13. Tresformamientu de Trascorrales nun centru cultural con programación estable y permanente.
14. Creación d'un nuevu festival de lliteratura y de un festival de "arte y naturaleza", a desenvolver nel Naranco y otros espacios naturales del conceyu.
15. Creación d'un Archivu Espaciu de Memoria de la Ciudá na Fábrica de La Vega qu'amuese la hestoria de la ciudá y programe esposiciones sobro Uviéu.
16. Fomentu d'una cultura participativa y non puramente pasiva.
17. Reforma de la ordenanza de ruíu pa poder facer música en direuto nos chigres.

DEPORTE

1. Plan direutor del deporte d'Uviéu y d'equipamientos deportivos. La base d'esti plan va ser el sofitu a los clubes deportivos de la ciudá, con especial atención al deporte de base y a les actividaes deportives de barriu y ensin ánimu d'arriquecimientu. Tamién vamos apostar pola diversificación de l'actividá deportiva, fomentando la conocencia y la práctica de deportes menos habituales.
2. Programa de sofitu y fomentu del deporte femenino.
3. Construcción del pabellón multiusos de La Florida y de la pista d'h.oquei de La Corredoria.
4. Nueva fachada pal estadiu Carlos Tartiere.
5. Reforzamientu de les actividaes deportives na cai como forma de promoción del deporte y los vezos de vida sano.
6. Meyora de les condiciones llaborales de les empreses que dan servicios deportivos a Uviéu.
7. Remocicamientu de los campos de fútbol d'Uviéu.
8. Creación d'un serviciu integral de medicina, fisioterapia y socioloxía deportiva, empobinada a sofitar a los deportistes uvieinos.

LLINGUA ASTURIANA

1. Aprobación d'un plan de normalización que detalle les actuaciones necesaries dientro de la alministración. Compromisu d'usar la llingua asturiana con normalidá n'igualdá cualitativa y cuantitativa col castellán nes comunicaciones oral y escritu, tanto per parte de los y les representantes institucionales como del personal que trabaya na Casa Conceyu. Ufiertar al personal de la Casa Conceyu una formación activa en cuestión de llingua y ameyorar cualitativamente la so competencia llingüística.
2. Creación d'una oficina municipal de normalización y promoción llingüística pa coordinar aiciones conxuntes que faigan posible incluyir l'asturianu na ufierta cultural del Conceyu d'Uviéu en películes, obres de teatru, actuaciones musicales, etc.
3. Valorar l'asturianu como un activu económicu, cultural y social fomentando la imaxe del idioma como elementu de valor añedíu pal turismu.
4. Creación d'una selmana del asturianu con actividaes musicales, lliteraries y culturales.

Distritos urbanos

DISTRITU URBANU 1 CENTRU Y CASCU HISTÓRICU

1. Puesta en marcha del Plan Especial del Cascu Antiguu que faiga posible cumplir pa colos oxetivos de caltenimientu y revalorización cultural y pa colos derechos de los y les residentes y l'usu como espaciu d'ociu y turismu, al empar que revierta l'enclín a l'apropiación particular y destrucción del patrimoniu históricoartísticu, la especulación inmobiliaria y la xentrificación.
2. Convertir la Fábrica de Gas nun espaciu multiusu que xuníu a la peatonalización de la cai Paráísu, la recuperación de la muralla medieval y l'abrimientu del patiu de la mesma fabrica xeneren un gran espaciu públicu calidable na parte más degradada del nuesu cascu antiguu.
3. Recuperación como espaciu públicu del Martiellu de Santa Ana, atendiendo a les demandes del movimientu vecinal.
4. Impulsu a la diversificación económica nel Antiguu col sofitu a la instalación de nuevos negocios y actividaes económicas.
5. Remocicamientu de los xardinos d'El Campillín.
6. Afitamientu del mercáu agroecolóxicu y artesanu de La Catedral, Reforciamientu del mercáu de frutes y verduras d'El Fontán y creación d'un nuevu mercáu d'artistes y artesanos na Plaza del Paragües.
7. Creación d'una nueva escuela infantil de 0 a 3 años pa la zona Antiguu Centru que facilite la instalación de families y el remocicamientu del barriu.
8. Remodelación del Campu San Francisco, peatonalización de la cai Uría y estación intermodal na Plaza de La Escandalera.

DISTRITU URBANU 2 CIUDÁ NARANCO, EL VALLOBÍN, LA FLORIDA, LES CAMPES, SAN CLOYO URBANU

1. Reconversión del fallíu SPA de Ciudá Naranco nun polideportivu y piscina municipal, aprovechando el solar que lu arrodiya como área recreativa y espaciu pa güertes.
2. Desenvolvimientu de la vía rápida de La Pixarra como alternativa a los problemes de tráficu del noroeste de la ciudá.
3. Valtamientu de les naves n'estáu ruinosu de la zona d'Almacenes Industriales y desenvolvimientu dientro de les direitrices del nuevu PGOU d'una zona verde, residencial y con nueves actividaes industriales.
4. Modernización del paisaxe y moblame urbanu de La Llosa añediendo zones verdes, arboláu y ameyorando la calidá d'esti espaciu públicu.
5. Desarrollu d'un carril bici ente La Florida Les Campes y San Cloyo.
6. Apueste por La Florida-Les Campes como ecobarriu pioneru na introducción de nueves midides d'urbanismu verde a desenvolver darréu nel restu de la ciudá, como xardinos verticales o techos vexetales. Adecuación del Bulevar de La Florida pa usu peatonal y ciclista.
7. Construcción d'un nuevu pabellón multiusos en La Florida.
8. Sofitu a la construcción d'un nuevu institutu d'enseñanza secundaria nel barriu.
9. Recuperación y usu del patrimoniu industrial abandonáu de la Fábrica de Lloza de San Cloyo y del espaciu natural de la Llaguna del Torollu. Desaniciu del pasu a nivel de FEVE na mesma llocalidá.

DISTRITU URBANU 3 EL PUMARÍN, TEATINOS, LA MONXINA, GUILLÉN-LA FUERZA, LA CORREDORIA

1. Remocicamientu de les colonies obreres hestóriques de Teatinos.
2. Recuperación de la Residencia d'Oficiales d'El Milán como nuevu centru social de barriu y residencia d'estudiantes.
3. Peatonalización de la Plaza del Conceyín
4. Abrimientu del Mercáu de La Corredoria como espaciu multiusos dotándolo d'una programación estable d'actividaes.
5. Impulsu al nuevu espaciu de participación de Fonte La Braña.
6. Esixencia al Gobiernu autonómicu del nuevu IES pa La Corredoria.
7. Carril bici ente La Corredoria y el centru d'Uviéu.
8. Llineas d'autobús direutes y semidireutas dende La Corredoria al centru, Llamaquique y les facutaes universitarias.
9. Establecimientu d'una farmacia permanente de guardia pa La Corredoria.
10. Meyora del allumáu na zona de los güertos urbanos de La Corredoria.

DISTRITU URBANU 4 SAN LÁZARO/SAN LLÁZARU, OTERO, TENDERINA, FOZANELDI, VENTANIELLES, CUALLOTO URBANU

1. Mediación pa l'abrimientu y recuperación como centru polivalente de l'antigua Malatería de San Lázaro/San Llázaru como espaciu social y vecinal, casa de mocedá y espaciu de vivienda nueva.
2. Dinamización del centru comercial d'Otero con mercaos al aire llibre na so plaza y actividaes culturales ya infantiles les fines de la selmana.
3. Abrimientu de la Fábrica de La Vega, inxertando'l recintu industrial na trama urbana de los barrios que lu arredolen, y coneutándolu col futuru Bulevar de Santuyano.
4. Remocicamientu de los polígonos de vivienda pública y protexía d'Otero.
5. Meyora del Parque de Vetusta, coneutándolu col Colexu de Fozaneldi.
6. Construcción del carril bici y sienda piatonal ente Ventanielles y Culloto y otres actuaciones urbanístiques qu'ameyoren la calidá del espaciu públicu de dambos barrios y l'integración y convivencia ente les distintes comunidaes que viven nellos.
7. Impulsu al nuevu llocal de participación ciudadana de Ventanielles
8. Anovamientu integral de los barrios axacentes a l'autopista Y con cargu a los fondos EDUSI llograos pol Conceyu.
9. Tresformamientu de Rondar Sur nun Bulevar.

DISTRITU URBANU 5 L'ARGAÑOSA, LA ERÍA, BUENAVISTA, EL CRISTO, EL MONTE CERRÁU, OLIVARES

1. Desendolcu del plan de nuevos usos del antiguu HUCA, empecipiando pol ampliamentu y meyora del Parque del Truébanu y l'abrimientu d'un centru social provisional nesti espaciu.
2. Faer del antiguu HUCA un espaciu con usos variaos, zones verdes y con un importante centru d'empres biosanitarias y teunolóxiques, como elementu de dinamización económica.
3. Anovaientu de la zona de xuegos infantiles de La Ería.
4. Arreglu del llavaderu y les fontes d'Olivares y asfaltáu de caminos. Aumentu del allumáu en toa esta zona.
5. Creación d'una sienda recreativa ente Olivares y El Monte Canales.
6. Introducción de reductores de velocidá en dellos tramos de la carretera d'Olivares.
7. Rediseñu del tráficu na plaza d'Occidente.
8. Remocicamientu como espaciu polivalente non taurín de la Plaza de Toros

Distritos rurales

CONSIDERANCES XENERALES SOBRO LA ZONA RURAL D'UVIÉU

1. Anovamientu integral de núcleos rurales del nuesu conceyu. Plan de remocicamientu de los núcleos rurales por que puedan aportar a subvenciones pal remocicamientu de too el pueblu. Viviendes, elementos auxiliares como horros y cuadros, espacios públicos y recuperación d'elementos d'espaciu públicu tipu llavaderu y otros equipamientos.
2. Reforciamientu del sector agroganaderu del conceyu pa favorecer l'alimentación de kilómetru cero y l'esistencia d'un mediu rural vivu alimentáu por explotaciones pequeñes n'Uviéu.
3. Descentralización de la vida cultural y social d'Uviéu a los centros sociales de los pueblos na llínea del programa PUEBLU impulsáu dende la conceyalía de participación o de les actividaes realizaes nel marcu del Festival de Branu.
4. Internet rural y conexón rápida cola rede pa los pueblos del nuesu conceyu.

DISTRITU RURAL 1 CACES, GODOŠ, LATORES/LLATORES, SAN PEDRU NORA, SANTA MARINÁ DE PIEDRAMUELLE, PINTORIA, PRIORIO, PUERTO, SAN CLOYO RURAL, SOGRANDIO, TRUBIA, UDRIÓN

1. Plan integral de recuperación y usu públicu de los recursos natural y cultural na redolada de Les Caldes, con participación vecinal y sofítáunos planes municipales d'emplegu. Incluiría diversos programes pa la recuperación ambiental de los ríos Nalón y Gafu, la llimpieza de fontes y llavaderos, el saniamientu y la meyora d'espacios degradaos. Tamién la recuperación ya igua de rutes naturales como la de La Sacavera, la meyora de les visites a la cueva de Lluera, l'aprovechamientu del patrimoniu ferroviariu de Fuso y la dotación d'un aula didáctica sobro enerxíes anovables, ente otros aiciones.
2. Acondicionamientu de les riberes del ríu Nalón como zona d'ociu fluvial.
3. Remocicamientu, caltenimientu y aumentamientu del valor del Paisaxe Industrial de Trubia, incluyendo los conxuntos de viviendes obreres y los xalés de la estación de FEVE. Acondicionamientu del aparcamientu de la llesia de Trubia
4. Programación estable nel Casinu de Trubia d'espectáculos y actividaes culturales.
5. Estrictu control medioambiental de les canteres ya industries de la zona pa evitar irregularidaes y perxuicios a la salú pública.
6. Recuperación de los meandros del Ríu Nora y Reforciamientu como unu de los principales atrautivos naturales d'Uviéu.
7. Señalización y meyora de la ruta dende Trubia a les cascaes del ríu Guangua.

DISTRITU RURAL 2 CUALLOTO RURAL, NARANCO RURAL, TUDELA AGÜERIA, BENDONES, VEGUÍN, SAN ESTEBAN/SAN ISTEBA, SAMIGUEL, LLIMANES, LA MANXOYA, SANTOLAYA, NAVES, OLLONIEGÓ/LLUNIEGU, PÁNDO, LA PEREDA, SANTIANES, VILLAPERI

1. Recuperación del conxuntu históricu d'Olloniego/Lluniegu.
2. Remocicamientu, caltenimientu y aumentamientu del Paisaxe Industrial d'Olloniego/Lluniegu, incluyendo'l pozu mineru d'Olloniego/Lluniegu como espaciu de memoria de l'actividá minera nel conceyu, asina como pa la realización d'actividaes artístiques.
3. Creación del recintu pa la feria ganadera de L'Ascensión n'Olloniego/Lluniegu.
4. Recuperación de la finca del Pevidal, de propiedá autonómica, como explotación agrícola y granxa escuela.
5. Variante del Prerrománicu, esviadura de la carretera de los monumentos y creación del nuevu parque del Naranco llibre d'ocalitos, desenvolvendo los preacuerdos alcanzaos ente propietarios de finques y alministración llocal.
6. Creación del parque arqueolóxicu natural del monte de La Zorera que va incluyir les ayalgues prehistóriques y d'arqueoloxía industrial apocayá descubiertes.
7. Impulsu al Centru Social de La Manxoya con nueves actividaes d'ociu y tiempu llibre, y la igua de los sos espacios deportivos.
8. Estrictu control medioambiental de les canteres de la cara norte del Naranco con vistes a la so progresiva desapaición. Plan d'emplegu apautando coles empreses pa remocicar les zones del monte degradaes pola actividá de les canteres.
9. Recuperación del antiguu hípicu del Asturcón como centru medioambiental y agrícola, puntu de partida pa rutes ecuestres pel monte Naranco, campamentos escolares de branu, y camping y zona d'aparcamientu para autocaravanes.

SOMOS
Oviedo/Uviéu